

**A** *rubá***A** *ntaño*

Hopi promé cu nos isla a cuminsa florece cu e yegada di e refineria di Lago, nos hendenan a conoce diferente industria y fabricanan. Esakinan te cu e dia di awe ta ser recorda dor di nos bieuwnan. Y awe den nos Aruba Antaño, nos kier informabo di e Fabrica di Manteca. Tal manera ta menciona ariba cu e yegada di e compania Lago, un gran parti mester gana nan pan cu agricultura, esta plantamento segun temporada di aña. E mina di oro na Balashi no tabata duna pa tur hende por a haya un trabao. E cria di baca tabata ya conoci. Pero e idea di cooperativo (y ainda no a drenta debidamente), di cooperacion no a drenta den e pueblo.

Banda di aña 1910, un pastoor na Corsow ya a lanta un cooperativo bao di e nomber di "Coöperatieve Vereniging en Nijverheid". Y eynan tur cos a bai basta bon. A dura un seis (6) aña despues di esey cu un otro pastoor, cual ta e pader v.d. Vaart cu a bira pastoor di Noord y a bini cu cantidad di idea. Mirando cu e cria di baca a cuminsa mostra su balor, a yega e idea tambe pa cuminsa un cooperativo na Aruba, cu e produccion di manteca y su venta. E mesun aña 1916 Aruba a haya un Cooperativa bao di e nomber oficial di "Agencia di Fabrica di Mantequilla Santa Ana Aruba Company". E tres personanan cu a forma e directiva, tabata Antonio Ruiz, presidente, Carmelo Semeleer, agente, y Manuel Flanigin, cahero. Tur e miembronan cu a join a forma un fondo di placa, un tipo di accion, pa cuminsa e Compania. Hala y entrega lechi tur dia na e Compania. Y asina hopi prome cu Lago a bini Aruba a conoce su Fabrica di Manteca, y awe e no tin ningun den su comunidad, y nos tin cu depende di tur loke ser importa. Historia lo ripiti?